



Det kjem truleg fortau på venstre side av vegen ned mot skulen. (Foto: Ola Matti Mathisen)

Vegen ned til oppvekstsenteret frå busslomma er i smalaste laget, men no kan problemet bli løyst i samband med andre tiltak. Det vil truleg bli fortau på strekninga.

Kommunen har søkt kommunen om dispensasjon frå gjeldande reguleringsplan i samband med AFA-prosjektet. Kommunen skal føra fram leidningsgrøft for spillvatn og overvatn til den nye bygget med 9 bueiningar. Det omsøkte arealet er regulert til jordbruk.

Den naturlege traseen for leidningsgrøfta er i tilkomstvegen til oppvekstsenteret. Ivar Kåre Døssland som er sakshandsamar strekar under at vegen i dag er svært smal med liten plass for både bilar og gåande. Når det fyrst skal gravast i vegen for leidningsgrøft, hadde det vore svært ynskjeleg å få utvida vegen med fortau for å oppnå ein kjærkomen trafikksikringsgevinst, held Døssland fram.

Grunneigar Eldbjørg Myklebust Sivertsvold er positiv til å avstå naudsynt veggrunn, som er 180 kvadratmeter. Døssland har difor sendt eit avtaleutkast til henne som gjev løyve til å føre fram grøfta

Av Ola Matti Mathisen